


სსიპ - სასჯელაღსრულებისა და პრობაციის სასწავლო ცენტრი



სსიპ - სასჯელაღსრულებისა და პრობაციის სასწავლო ცენტრის მიერ
ავტომობილების რეცხვის მომსახურების შესყიდვის გამარტივებული
ელექტრონული ტენდერის

სატენდერო დოკუმენტაცია

კლასიფიკატორის კოდი - (CPV 50100000)

(2017 წლის სახელმწიფო ბიუჯეტით გათვალისწინებული ასიგნებების
ფარგლებში)

2016 წელი

სარჩევი

1. ინსტრუქცია ტენდერში მონაწილეთათვის-----	3 გვ.
2. ტექნიკური დოკუმენტაცია-----	4 გვ.
3. რეკვიზიტების ფორმა - დანართი N1 -----	8 გვ.
4. ფასების ცხრილი - დანართი N 2-----	9 გვ.
5. სახელმწიფო შესყიდვების შესახებ ხელშეკრულების პროექტი-----	10 გვ.
6. დანართი N3 აფიდავიტის ფორმა- -----	16 გვ.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური დოკუმენტაცია

2.1 შესყიდვის ობიექტის ტექნიკური დავალება:

- სსიპ „სასჯელაღსრულებისა და პრობაციის სასწავლო ცენტრის“ მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს სასწავლო ცენტრის ბალანსზე რიცხული ავტომობილების სრული რეცხვის მომსახურება, შემდეგი პირობებით:

N	ავტომანქანის დასახელება	ავტომანქანის ტიპი	ნომერი	გამოშვების წელი	ერთ თვეში რეცხვის რაოდენობა	სულ 2017 წლის განმავლობაში რეცხვის რაოდენობა
1	SHKODA OCTAVIA 1.8	მსუბუქი	CNC-514	2012	არაუმეტეს ოთხჯერ	არაუმეტეს ორმოცდარვა
2	HYUNDAI SONATA 2.4	მსუბუქი	VJV-157	2010	არაუმეტეს ოთხჯერ	არაუმეტეს ორმოცდარვა
3	HYUNDAI ACCENT 1.4 M/T,	მსუბუქი	CNC-274	2012	არაუმეტეს ოთხჯერ	არაუმეტეს ორმოცდარვა
4	TOYOTA HIACE 2.7	მიკროავტობუსი	PAD-857	2007	არაუმეტეს ოთხჯერ	არაუმეტეს ორმოცდარვა
5	MERCEDES-BENZ 3.0 SPRINTER	მიკროავტობუსი	NAK-562	2010	არაუმეტეს ოთხჯერ	არაუმეტეს ორმოცდარვა

- აღნიშნული ავტომანქანების სრული რეცხვა მოიცავს შემდეგს: გარედან, სალონის, საბარგულისა და საბურავების რეცხვა - დასუფთავებას.

- გამარჯვებული პრეტენდენტი ვალდებულია მომსახურების მიწოდება განახორციელოს საკუთარი, მაღალხარისხიანი სახარჯი მასალითა და ხარჯებით.

- მიმწოდებელი ვალდებულია მომსახურების გაწევის დროს თავისი ბრალეულობით წარმოქმნილი ხარვეზები (ავტომობილის გარეგანი/შიდა დაზიანება) აღმოფხვრას საკუთარი სახსრებით, დამატებითი საფასურის გადახდის გარეშე.

- ავტომანქანების რეცხვა განხორციელდება ტალონური სისტემით. რეცხვის მომსახურების გაწევა უნდა განხორციელდეს მიმწოდებლის საკუთრებაში/სარგებლობაში არსებულ ავტოსამრეცხაო(ებ)ში (მუშაობის ყოველდღიური გრაფიკით 10:00 საათიდან არანაკლებ 18:00 საათამდე).

- მიმწოდებელი იღებს ვალდებულებას დაამზადოს და გადასცეს შემსყიდველს რეცხვის მომსახურების ტალონები (ტალონის ფორმა - შემსყიდველთან შეთანხმებით) ხელშეკრულების გაფორმების შემდგომ შემსყიდველის მოთხოვნიდან, არაუგვიანეს 2 (ორი) სამუშაო დღისა (ტექნიკური დავალებით განსაზღვრული რეცხვის ლიმიტების ფარგლებში, შემსყიდველი იტოვებს უფლებას თვითონ გადაწყვიტოს რეცხვის ტალონების მიწოდების რაოდენობა და ჯერადობა). რეცხვის ტალონების დამზადება მიმწოდებელმა უნდა უზრუნველყოს საკუთარი ხარჯებით.

- თითოეული ტალონით შემსყიდველს აქვს უფლება გარეცხოს ერთი ერთეული შესაბამისი ტიპის ავტომობილი მიმწოდებლის ავტოსამრეცხაოზე.

- ავტოსამრეცხაო, სადაც განხორციელდება მომსახურების გაწევა უნდა მდებარეობდეს ქალაქ რუსთავის მუნიციპალიტეტის ადმინისტრაციულ საზღვრებში, რომელსაც უნდა გააჩნდეს მინიმუმ ორი სარეცხი ბოქსი და მომსახურე პერსონალი თითოეულ სარეცხ ბოქსში.

- პრეტენდენტს უნდა გააჩნდეს 2015 ან 2016 (ორივე ან რომელიმე) წლის განმავლობაში ანალოგიური (მანქანების რეცხვის) მომსახურების გამოცდილება.

- მიმწოდებელს უნდა გააჩნდეს ავტომობილის ხარისხიანი რეცხვისთვის ყველა აუცილებელი საშუალება და პირობა (კვალიფიციური პერსონალი, შესაბამისი ინფრასტრუქტურა, რეცხვის მოწყობილობები და ინვენტარი).

2.2 მომსახურების გაწევის პირობები და ვადები:

მომსახურების გაწევა განხორციელდება 2017 წლის 3 იანვრიდან - 2017 წლის 31 დეკემბრის ჩათვლით, ეტაპობრივად თითოეულ მანქანაზე დამტკიცებული რეცხვის ტალონების ლიმიტების შესაბამისად.

2.3 ანგარიშსწორების პირობები:

2.3.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2 ანგარიშსწორება მოხდება უნაღდო ანგარისწორებით - ლარში.

2.3.3. შემსყიდველი ანგარიშსწორებას განხორციელებს ყოველთვიურად, ავტომანქანების ფაქტიურად განხორციელებული რეცხვის რაოდენობების შესაბამისად, მიღება-ჩაბარების აქტის გაფორმებიდან და საგადასახადო კანონმდებლობით გათვალისწინებული შესაბამისი დოკუმენტაციის წარმოდგენიდან 5 სამუშაო დღის ვადაში.

2.3.4. საავანსო ანგარიშსწორება არ გამოიყენება.

2.3.5 დაფინანსების წყარო: 2017 წლის სახელმწიფო ბიუჯეტი.

2.4 ალტერნატიული სატენდერო წინადადება არ მიიღება.

2.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1. რეკვიზიტები დანართი N1-ს შესაბამისად.

2.5.2. ფასების ცხრილი დანართი N2-ს შესაბამისად.

2.5.3 ინფორმაცია სამრეცხაოს ფაქტობრივი მდებარეობის, ტექნიკური აღჭურვილობის , ბოქსების რაოდენობის შესახებ.

2.5.4 2015 ან 2016 წლის განმავლობაში ანალოგიური (ავტომანქანების რეცხვის) მომსახურების გამოცდილების დამადასტურებელი გაფორმებული **ხელშეკრულება(ები) და მიღება-ჩაბარების აქტ(ებ)ი**.

2.6 ხელშეკრულების შესრულების კონტროლი:

2.6.1 ხელშეკრულების შესრულების კონტროლს განახორციელებს სსიპ სასჯელაღსრულებისა და პრობაციის სასწავლო ცენტრის ლოჯისტიკის მენეჯერი.

2.7 ფასწარმოქმნის ადეკვატურობა

ავტომობილის რეცხვის მომსახურების ფასწარმოქმნისას მნიშვნელოვანია პრეტენდენტის მიერ შრომითი რესურსის და მოგების მარჟის ინდივიდუალური შეფასება, შესაბამისად სატენდერო კომისიას მიაჩნია, რომ სხვადასხვა მიმწოდებლის მიერ გასაწევი მომსახურების ტარიფი იქნება განსხვავებული. დღეის მდგომარეობით ავტომობილების რეცხვის ბაზარზე მრავალი სუბიექტი მოქმედებს და შესაძლოა არსებობდეს პრეტენდენტი, ვინც ტენდერის საორიენტაციო ღირებულებაზე 20%-ით (ან მეტი) ნაკლებ ფასად შეასრულებს სატენდერო დოკუმენტაციით განსაზღვრულ მომსახურებას, ზემოაღნიშნულიდან გამომდინარე სატენდერო კომისიის გადაწყვეტილებით სატენდერო დოკუმენტაცია არ შეიცავს ფასწარმოქმნის ადეკვატურობის დამადასტურებელი დოკუმენტაციის წარმოდგენის ვალდებულებას.

2.8 დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება ასევე პრეტენდენტს შეუძლია სატენდერო კომისიის აპარატში. გარდაზნის მუნიციპალიტეტი, რუსთავის გზატკეცილი მე-17 კილომეტრი, სსიპ-სასჯელაღსრულებისა და პრობაციის სასწავლო ცენტრის, სატენდერო კომისიის აპარატის წევრი:

ნიკოლოზ დუჩიძე: 599 85 19 19

1. რეკვიზიტები :

პრეტენდენტის იურიდიული ფორმა და დასახელება:

ხელმძღვანელ(ებ)ის სახელი და გვარი:

პრეტენდენტის იურიდიული მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და ბანკის კოდი:

ანგარიშსწორების ანგარიში:

(თანამდებობა, სახელი, გვარი)

(ხელმოწერა)

დანართი N2

ფასების ცხრილი

N	ავტომანქანის დასახელება	ნომერი	ავტომანქანის რეცხვის რაოდენობა	ერთეულის ფასი (ლარი)	საერთო ღირებულება (ლარი)
1	SHKODA OCTAVIA 1.8	CNC-514	48		
2	HYUNDAI SONATA 2.4	VJV-157	48		
3	HYUNDAI ACCENT 1.4 M/T	CNC-274	48		
4	TOYOTA HIACE 2.7	PAD-857	48		
5	MERCEDES-BENZ 3.0 SPRINTER	NAK-562	48		
6	სულ ჯამი (ლარი)				

ხელმოწერა:

ბეჭედი (არსებობის შემთხვევაში):

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ
ხელშეკრულების პირობების საბოლოო ვარიანტი შეიძლება დაზუსტდეს და
დაიხვეწოს ტენდერში გამარჯვებულ პრეტენდენტთან ხელშეკრულების გაფორმების
პროცესში.

წინამდებარე ხელშეკრულება დაიდო ____ 20--წლის ----- . ერთის
მხრივ სსიპ - სასჯელაღსრულებისა და პრობაციის სასწავლო ცენტრი (შემდგომში
„შემსყიდველი“) და მეორეს მხრივ
____ (შემდგომში „მიმწოდებელი“)

შორის.

(მიმწოდებლის დასახელება და რეკვიზიტები)

იმის გათვალისწინებით, რომ შემსყიდველმა ჩაატარა გამარტივებული
ელექტრონული ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო
წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს
ზემოაღნიშნული მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ –
„ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს
შორის დადებული ხელშეკრულება, რომელიც ხელმოწერილია მხარეთა მიერ, მასზე
თანდართული ყველა დოკუმენტით და დამატებებით და ასევე მთელი დოკუმენტაციით,
რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა
გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი
ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს
ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი და კლასიფიკატორის კოდი

2.1 ხელშეკრულების შესყიდვის ობიექტი განისაზღვრება სატენდერო დოკუმენტაციის, კერძოდ, ტექნიკური დოკუმენტაციის 2.1 პუნქტში მოცემული ტექნიკური დავალებისა და დანართი №2-ის შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.

2.2 კლასიფიკატორის კოდი: **50100000**;

3. ხელშეკრულების შესრულების კონტროლი - ინსპექტირება

3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული კონტროლი - ინსპექტირება.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ - სასჯელაღსრულებისა და პრობაციის სასწავლო ცენტრის ლოჯისტიკის მენეჯერი.

3.6 კონტროლი - ინსპექტირება გულისხმობს მიმწოდებლის მიერ ხელშეკრულების პირობების შესაბამისად გასაწევი მომსახურების ვადებისა და ხარისხის კონტროლს.

4. მომსახურების გაწევის პირობები და ვადები

4.1 მომსახურების გაწევა განხორციელდება 2017 წლის -----დან - 2017 წლის - -----მდე, ეტაპობრივად, მოთხოვნის შესაბამისად.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

5.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორება

6.1 ანგარიშსწორება მოხდება ლარებში.

6.2 გადახდის ფორმა – უნაღდო.

6.3 შემსყიდველი ანგარიშსწორებას განახორციელებს ყოველთვიურად, ავტომატურად ფაქტიურად განხორციელებული რეცხვის რაოდენობების შესაბამისად, მიღება-ჩაბარების აქტის გაფორმებიდან და საგადასახადო კანონმდებლობით გათვალისწინებული შესაბამისი დოკუმენტაციის წარმოდგენიდან 5 სამუშაო დღის ვადაში.

6.4. საავანსო ანგარიშსწორება არ გამოიყენება.

7. ფასები

7.1 შესყიდვის ობიექტის ფასი განისაზღვრება ლარებში.

7.2 შესყიდვის ობიექტის საერთო ღირებულება შეადგენს ----- (-----) ლარს,

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების პირობების შეუსრულებლობა(საჯარიმო სანქციები, ფორმა, ოდენობა და გადახდის ვადები)

9.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

9.3 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

9.4 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობა.

9.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულების შეწყვეტა მისი პირობების შეუსრულებლობის გამო

10.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

10.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან დაირღვევა შესყიდვის ობიექტის მიწოდების ვადები.

11. მხარეთა უფლება-ვალდებულებები

11.1 მიმწოდებელი ვალდებულია:

- ა) გაუწიოს შემსყიდველს ხელშეკრულებით გათვალისწინებული მომსახურება;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხზე.

11.2 შემსყიდველი ვალდებულია:

- ა) გადაუხადოს მიმწოდებელს ხელშეკრულების ღირებულება;
- ბ) დროულად აცნობოს მიმწოდებელს გაჩეულ მომსახურებასთან დაკავშირებული ხარვეზის შესახებ.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით

მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

14. გამოყენებული სამართალი

14.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. შეტყობინება

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის, ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. გადასახადები და დაბეგვრა

16.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

17. ხელშეკრულების მოქმედების ვადა

17.1 წინამდებარე ხელშეკრულება ძალაშია ხელშეკრულების გაფორმების დღიდან და მოქმედებს ----- ჩათვლით.

18. სხვა პირობები

18.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.2 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

18.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.